



Inatsisartuni ilaasortaq Jens Napātôk', Partii Naleraq

Mail-ikkut uunga nassiunneqartoq: inatsisartut@inatsisartut.gl

**Akissuteqaat, § 37 naapertorlugu apeqquteqaammut imikumut  
eqqakkamut kuuffiliornissamik aamma, erngup aqputaanik roojorinik  
ukioq tamaat atorsinnaasunik Upernavimmi sanaartornissamut  
pilersaaruteqartoqarnersoq pillugu**

10-09-2019  
Sagsnr. 2019 - 19408

Postboks 1601  
3900 Nuuk  
Tlf. (+299) 34 50 00  
E-mail: isiin@nanoq.gl  
www.naalakkersuisut.gl

Inatsisartut suleriaasianni § 37, imm. 1 naapertorlugu apeqquteqarputit Naalakkersuisut pilersaaruteqarnersut Upernavimmi imikumut eqqakkanut kuuffinnik aamma ukioq naallugu imeqalersitsinissamut pilersaaruteqarnersut pillugit. Apeqqutigisat uannut akisassanngorlugu innersuunneqarpoq, akissutigisaralu ataani atuarsinnaavat.

**Apeqqut 1:**

**Naalakkersuisut Upernavik-mi kuuffilersuinissaminnik aamma illumut  
atasumik imermut aqqutilersuinissaminnik pilersaaruteqarpat?**

Apeqquteqaativit akineqarnissaanut Nukissiorfiit akissuteqaammut ilassuteqartinneqarsimapput. Upernavimmi imermik pilersuineq pisarpoq, illoqarfimmi imermik assartuineq atorlugu.

Nukissiuuteqarnermut Imermillu Pilersuineranut immikkoortumut Naalakkersuisut pilersaarutaanni nukissiuuteqarnermut imermillu pilersuineranut anguniakkanik arlalinnik suliaqartoqarsimavoq. Anguniakkanilu ilaatigut ersippoq ingerlaavartumik Kalaallit Nunaanni tamarmi imermik pilersuinerami pitsanngorsaasoqartuaannassasoq, qulakkeerumallugu imermik minguitsumik naammattumik atuisartunut aamma inuussutissarsiortunut sapinngisamik akikinnerpaamik peqartuaannarnissaa.

Kiisalu aamma illoqarfinni ineqarfinnut tamanut imermik roojoritigut pilersuineramik aaqquissuussisinaanermi aningaasartuutissat misissorneqassapput, sapinngisamik annertunerpaamik imermik qamutit assakaasullit atorlugit assartuinerup 2025-ip naanerani atorunnaarsimanissaa anguniarumallugu.


Imermik pilersuinerup isumannaatsuunissaanik uppernarsaasersuineq (DDS) nunatsinni sumiiffinni tamani peqataassaaq imermik pilersuinerup erngullu pitsaassusiata ingerlaavartumik pitsanngorsarneqarneranni.

Nukissiorfiit suliniutinik maanna ingerlanneqartunik arlariinnik Upernavimmi suliaqarput, maannakkuugallartoq siunertaqartunik imermik annertuumik atuisartut arlaqartut, tamatumani ilaallutik Royal Greenland, Napparsimmavik, Pilersuisoq aamma Upernavimmi atuarfik imermik roojoritigut pilersorneqalernissaannik.

Tatsip imermik pilersuinermi atorneqartup tunniussinnaasaa siusinnerusukkulli illoqarfimmik pilersuinissamut mikivallaarsimavoq. Taamaattumik pisariaqarsimavoq imermik atuinermi sipaarutissanik aaqqissuussisoqarnissaa, qularnaarumallugu ukioq naallugu pilersuisinnaaneq, kiisalu misissorneqarluni imeqarfiup tunniussinnaasaata annertunerulersinneqarsinnaanera, imermik atuneq imermik roojoritigut pilersuinerup annertusiartornera ilutigalugu annertuneruleriartornissaa.

Imikumik illoqarfinni aamma nunaqarfinni eqqaaneq kommunit akisussaaffiisa iluanniippoq. Illoqarfiit immikkoortui assigiinngitsut siunissami imermik naqitsineq atorlugu pilersorneqalissappata taava kommunalbestyrelsip qulakkiigaata ilutigisaanik kloak-it aaqutaannik pilersitsiortortoqarnissaa, imaluunniit imikumut eqqakkamut katersuuttitsivinnik tankeqarfinnik illuutini pioreersuni peqarnissaa, tak. Anartarfiit imaannik aamma imermik errortuivikumik eqqaaneq pillugu Namminersorlutik Oqartussat nalunaarutaat nr. 10, 12. juni 2015-imeersoq.

Inussiarnersumik inuulluaqqusillunga  
Med venlig hilsen



Jess Svane